



A agrupación do concelleiro Antonio Fernández Comesaña informa que presentou dez puntos ao candidato socialista Juan González, que de contar co visto e prace deste permitiría que UCN vote afirmativamente a súa investidura. Ata tanto non se dea resposta ao petitorio, Fernández sinala que o seu grupo chegará ao pleno coas tres posibilidades, absterse, voto favorable ou en contra. Será o discurso de González na sesión o que definirá o voto da UCN. Fundamenta Fernández que estes 10 puntos son "mínimos2 para un acordo " pensando no interese xeral e en facilitar mellorar e o benestar dos veciños de Nigrán". Engade que traballarán "en positivo desde a oposición, facendo un labor construtiva e oposición responsable, e na medida de que o novo goberno traballe desde a participación transparencia, diálogo e consenso permanente, sempre nos atopará".

O socialista Juan González chega ao pleno cos 7 votos da súa agrupación e o compromiso de N-Decide de achegar os seus 2 votos para acadar a maioría absoluta na investidura como alcalde.

### **Proposta de "mínimos" presentada pola UCN.**

- 1.- Impulsar a tramitación do PXOM desde a participación, diálogo e consenso.
- 2.- Recuperar a tramitación da modificación puntual do SAU-12 (As Angustias), para poñer no mercado vivendas de promoción pública, cuxa aprobación inicial produciuse en outubro/2010, habendo contado co voto favorable do noso grupo, seguindo o seu tramitación en paralelo co PXOM.
- 3.- Constitución de grupo municipal propio sen ter que integrarse no grupo mixto, ao amparo da Lei de Bases de Réxime Local.
- 4.- Devolver ao Pleno as competencias delegadas no seu día no Alcalde así como no Xunta de Goberno Local.
- 5.- Asistencia ás reunións da Xunta de Goberno Local.
- 6.- Que as competencias e decisións en materia urbanística sexan da Xunta de Goberno Local e non por Decreto do Alcalde como ata agora.

## **#Nigrán : UCN definirá o voto da investidura na mesma sesión plenaria.**

Escrito por Redaccion @valminorinfo  
Venres, 12 Xuño 2015 21:44

---

- 7.- Que as contratación de obras e servizos lévense a cabo, prioritariamente, mediante concurso público, ou no seu caso, polo Procedemento Negociado con publicidade, excluindo xa que logo os procedementos sen publicidade, ou no seu caso, os extremadamente urxentes.
- 8.- Formar parte das mesas de contratación publica.
- 9.- Impulsar a aplicación da Lei 19/13 de transparencia, acceso á información pública e bo goberno da Administración, facéndoa máis transparente e próxima ao cidadán.
- 10.- Delegar a xestión recadatoira de Taxas e Impostos municipais na Deputación Provincial, incluíndo as sancións por multas de tráfico.